

بين العباس إرفع الراس ولا تكسر يروحي بنصرة احسين

يشرد بساعه ويرد هيبه وجلال
أرد اضمك واطفي حزن البي طال

يا حلم يسرح على اجفون الخيال
يولدي غرب على حضني تعال

أم البنين:

ومن غيم الحزن ما تبصر العين

يبلسم للجرح دمع عيني يسح

يروى كلبى بشوقته ويطفي الجمر
ويلي يجبر خاطري من ينكسر

منهو غيرك عندي سلوه بهالعمر
يا سنا عيوني وضوى البيها يمر

وياغصن السكيتيه بصبر لسنين

يناري وجنتي يحلمي بدنيتي

وانتي نوره وهالسنا ما أروعه
عمري فدوه لچ (يا أم الأربعة)

يا حنان الله ويشمسه الطالع
صوتچ يهز الكلب من يسمعه

العباس:

تحت أمرج أنا وش ما تطلبين

يكهفي والدفى يتيجان الوفا

يا بعد عمري وبعد ناسي وهلي
ما إلي بها الدنيا غيرك ما إلي

يا ثمر دلالي يا ريحة علي
بس أشوفك كل همومي تنجلي

أم البنين:

يبدي ويا جمال الهاشميين

ينذري والسند على كل الشدد

وكنت اشوفك بالحلم طيف ويدور
طفل ولكن طينته من ماي ونور

يا لى في بطني انزرع تسعة شهور
وبخيالي أرسمك أحلى البدر

ولا تسأل - ييمه - شگد صبرتين

على حضني ربيت ومن صدري ارتويت

والله ما كصرتي يا عطر الجنان
وما أظن يوفي اللي يحجيه اللسان

والنعم ييم الوفا ويم الحنان
منهو ينسى فضلچ بهذا الزمان

العباس:

حناچ في الكلب يا يمه تدرين

ينبراس الورع في كل نبضه انطبع

ودمعة عيونچ تسح مثل الغمام
والله نظراتچ مثل سيل السهام

وچني ألمح يمه بشفافچ كلام
خوفي يمه عندچ عتاب وملام

ييمه - بالله - شنهو عني تخفين

فؤادي منكسر ولا عندي صبر

يا وريث العز يبن حامي الحمه
شلون أبدي وحزني ربي يعلمه

يسلم افادك يسبع الموزمه
عندي أوصيه وأنا متألّمه

أم البنين:

وأخافن يبتدي نوحى ولونين

تسابگني الدموع جمرها في الضلوع

بين العباس أرفع الراس ولا تقصر يروحي بنصرة احسين

وصرت في هالدنيا محمود الخصال
وهيبه ما يحصلها أشرف الرجال

أنا ربيتك على العز والذل
آيه بحروف الجلاله والجمال

وتعيش لخدمة الحوره ولحسين

ونذرتك يلود نخر تبغي وسند

(الحسين) بروحي نسيمات الهوى
خادم وأفديهم بعمري سوي

خل تقرر عينج وانا حامي اللو
(والعقيلة) لجرحي مثلثات الدوا

وعمري مسخر لخدمة هالاتين

أطل خادم أطل بلا ريبه وكلل

إحمل الرايه ولا تهاب الردى
تفني لبطل وتهز جيش العدا

لا تخيب ظني ياليت الفدا
وصارمك كل ضربه منه مسده

تباري (زينب) بكل ساع وبحين

يشيال العلم أو عينك عالخيم

لقلب اليمنى جناح وميسره
ما يظل تاريخ إلا وسطره

لا تحاتي وأنا ضنوة حيدر
وإسمي العباس سبع الكنطره

وتعرفين العزم بي تعرفين

تعرفيني بطل شبل خير العمل

ما يضيع التعب منج والربه
والله لجعلهم جثث متخضبه

مسحي دمعاتي يميرات الإبا
ابنح العباس ياهو يغلبه

وأنكس روسهم من صارمي زين

أوج نار الحرب من اسمي تضطرب

وألغى فاطم لابسه ثياب السواد
تنوح وتشكي ويستمتع رب العباد

والله خجلانه إذا حل المعاد
عين ملطومه وإيد اعلى الفؤاد

وأخاف اتكول ما وفيتي الدين

أسألها أريد على مصاب الشهيد

جيش ابن سفيان بيدي لانسفه
ما يدانيني زعيم بمرهفه

يمه لا تخافين يارمز الوفه
والله ما دامت الرايه مرفرفه

بس ادعي الله يحفظ هاي ليدين

لسوي المعجزات ويشهد لي الفرات

باجر الأقوال تتحول فعال
وما أنكس راسي لجيوش الضلال

باجر تسمعين أخبار النزال
ما ينال الضيم مني ما ينال

وشفاعه منج ومن آل ياسين

يتاج المرحمه رضاج اتوسمه